

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

**Vaticinia,|| Siue|| Prophetiæ|| Abbatis|| Ioachimi,|| &||
Anselmi Episcopi|| Marsicani,||**

Joachim <von Fiore>

Venetiis, 1589

Ill. ac rever. in Christo patri [...]

[urn:nbn:de:bsz:31-241469](https://nbn-resolving.org/urn:nbn:de:bsz:31-241469)



^{MO}ILL. AC REVER.^{MO}

IN CHRISTO PATRI

D. FRANCISCO CORNELIO

EPISCOPO TARVISINO

D. ET PATRONO SVO LONGE

COLENDISSIMO.



A est humani ingenij propensio Amplissime, & Nobilissime Antistes, ut maiori voluptate in difficili rerum curiosarum inuestigatione capiatur; quàm in solida cognitione, & utili rerum, qua facili ratione apprehendi, haberi, & sciri possunt. Obuia ei est perspicuitas sese offerentium rerum, cognoscitq, admodum utilem intellectui esse, & ma-

a 2 ximo

ximo emolumento actionum suarum promo-
ueri: tamen curiositate illectum ad ea tantum
anhelat, qua intellectus, vel numquam, vel dif-
ficulter, vel grauibus erroribus seipsum inuol-
uens adipiscitur. Hinc oriuntur (contemptis
naturalis, & scripti, diuini, & humani iuris
praeceptis) labores irriti in effectibus à vero ab-
horrentibus, et in operationibus vetitis sequen-
dis, veritatis femina sibi insita, & mandata
diuinitus instituta, & tradita resurgens, &
negligens, quae ad propriam conseruationem,
& ad ueram notitiam illud euocant. Ex eo fon-
te riuus fluxere tam diligentis speculationis cœ-
lestium motuum, tam solertis praeuisionis futu-
rorum temporum, tam pertinacis, & teme-
rariae professionis ortus, & obitus quorumcun-
que syderum. Atque ut alius feramur, hinc
originem traxere visiones uatum, interpreta-
tiones somniantium, tot inanes artes numero-
rum, calculorum, linearum, obseruationum
cœlestium, ignearum, aerearum, aquearum, ter-
restrium, Oracula Sybillarum, prae-dictiones

Proph-

Prophetarum. Quæ (reiectis cæteris inanibus,
& superstitiosis futurorum inquirendorum ge-
neribus) apud omnes veneratione dignæ habende
sunt, cum nulla alia re media à diuino nu-
mine proueniant, & diuiniore, nobiliorique in-
nobis existenti parti inhereant. Quemadmo-
dumq; illi audiendi non sunt, qui dicunt, ho-
mines ingeniosos, & sana mentis nulla ratione
ijs vacare debere: sic impij censendi, qui has
aspèrari audent. Nam si nos tanti facimus
corporis externas actiones, quanti æstimanda
internæ mentis, quæ (ut sapiens ille Hebræus
aiebat) similis igni semper ascendit, & ad al-
tiora tendit, memor suæ prioris originis initium
summentis ab afflatu, & spiratione Maximi re-
rum omnium parentis Dei. Qui tunc eos sibi ca-
riores demonstrat, quos uult, efficitq; ut suo splen-
dore, & lumine rutili cognoscant aliquam illo-
rum partem, quæ vni prouidentia suæ nota,
& patentia existunt. In quorum numero quot
suerint, sacras librorum utriusque testamenti
paginas intuentes consequi exiguo, & pradul-

Rabbi Io-
seph Hi-
spanus in
libro Hor-
ti Nucis.

ci la-

ci labore queunt. Verum præter eos, qui illis de-
prehenduntur, complures fuere, quorum histori-
ci, & scriptores præcorū, & nostrorum tempo-
rum in suis scriptis meminere. Inter hos inquire-
re quanti nominis Abbas Ioachim præsentium
Vaticiniorum Auctor fuerit, nec huius loci est,
nec huius tractationis. Hoc unum dicam, ho-
minem hunc occasionem mortalibus omnibus
præbuisse, cur attentiores, & circumspēctiores
circa futura tempora fierent. Cum norint cun-
cti, quicquid in suis obscuris dictis Abbas inuol-
uit, euentus suos ad unguem sortitum fuisse.
Idq; in causa fuit, quod, Deo, & hominibus
inuisus quidam Hereticus imagines corrup-
pens, & verba suorum dictorum inuertens,
plures seducere, & decipere tentarit. Cui, licet
alij responderint: tamen nos quoq; hoc tenui la-
bore resistere volumus, eius in imaginibus fal-
sitate, in verbis mendacia, & in expositioni-
bus calumnias detegentes. At ne noster hic la-
bor absq; illustri nomine fronti affixo in manus
hominum perueniret, te eligendum duxi Illu-
strissime

strisſime, idemq; Optime Antiſtes, qui virtute,
ſapientia, auctoritate protector, Achilleuſq;
Chypeus mihi ſis. Nec mea ſententia melio-
rem, fortioremque eo eligere poteram, qui in
præclariffimo fortuna ſtatu admirabilium ope-
rum eſ effector. Vereq; à Græco Antiphane
ſcriptum videtur.

Πλούτος δὲ βαſανός ἐſτιν ἀνθρώπου τρόπων
Sunt morum hominis opes peracres indices.

Antipha-
nes apud
Stobæum.

Itaque ad te conſugi, tibi dico, & in tuam
tutelam, me, & illa conſero, certus ea à ca-
num latratibus, & à maleuolorum obtrecta-
tionibus te defendente, ſouenteque tuta fore.
D. N. Jeſus Chriſtus in ſua Eccleſia omnes
conatus, & deſideria Illuſtriſſ. & Reuerendiſ-
ſimæ Amplitudinis tuæ ſpiritu ſuo ſecundet,
atque augeat. Vale Venetijs x. Kal. Nouemb.

Tua Illuſtriſſ. & Reuerendiſſ. Amplit.

Addictiſſimus

Pafchalimus Regiſelmus.